

Bosna i Hercegovina
Federacija Bosne i Hercegovine
KANTON SARAJEVO
MINISTARSTVO UNUTRAŠNJIH POSLOVA
UPRAVA POLICIJE
SARAJEVO

Broj: 02 -11-4-1862-5/20

Datum: 01.07.2020.godine

Na osnovu člana 23. stav (3) tačka h) Zakona o unutrašnjim poslovima Kantona Sarajevo („Službene novine Kantona Sarajevo”, broj 1/16, 26/19 i 31/19), člana 69. stav 1. tačka a), a u vezi sa članom 70. stav 1., 3. i 6. Zakona o javnim nabavkama („Službeni glasnik Bosne i Hercegovine”, broj 39/14) i preporuke Komisije za sukcesivne nabavke za potrebe Uprave policije, imenovane Rješenjem broj: 02/5-1-14-4-2625/19 od 13.05.2019. godine i Rješenjem broj: 02/5-1-14-4-2625-1 od 30.08.2019. godine, u postupku javne nabavke štampanog materijala (listovni obrasci i kese za dokaze, perforisani blokovi, knjige u tvrdom povezu), putem otvorenog postupka, policijski komesar Uprave policije Ministarstva unutrašnjih poslova Kantona Sarajevo, d o n o s i:

ODLUKU
O IZBORU NAJPOVOLJNIJEG PONUĐAČA I DODJELI OKVIRNOG SPORAZUMA

I

Prihvata se preporuka Komisije za sukcesivne javne nabavke i okvirni sporazum za javnu nabavku štampanog materijala (listovni obrasci i kese za dokaze, perforisani blokovi, knjige u tvrdom povezu) za potrebe Uprave policije Ministarstva unutrašnjih poslova Kantona Sarajevo dodjeljuje se ponuđaču:

- Svjetlost-BH print d.o.o. Sarajevo za ponuđenu cijenu od 124.363,00 KM bez PDV-a.

II

Postupkom javne nabavke predviđeno je potpisivanje Okvirnog sporazuma na period od 2 (dvije) godine. Okvirnim sporazumom Ugovorni organ i Dobavljač mogu u toku cijelog perioda na koji se sporazum zaključuje, zaključivati ugovore iz oblasti predmetne nabavke. Ukupna vrijednost pojedinačno zaključenih ugovora ne može biti veća od prihvaćene cijene ponude.

III

Ponuđači će biti obaviješteni o rezultatima postupka u roku od 7 (sedam) dana od dana donošenja odluke o izboru ponuđača. Prijedlog okvirnog sporazuma o nabavci dostavit će se na potpis izabranom ponuđaču Svjetlost-BH print d.o.o. Sarajevo po isteku zakonom predviđenog roka od dana od kada su svi ponuđači obavješteni o izboru najpovoljnije ponude.

IV

Izabrani ponuđač dužan je u roku od 5 (pet) dana od dana prijema ove odluke dostaviti dokumente navedene u tačkama 12. i 13. tenderske dokumentacije, a koje se odnose na član 45. stav 2. tačka od a) do d) i na član 47. stav 1. tačka a).

Dokazi koje će dostaviti odabrani ponuđač moraju biti originali ili ovjerene kopije i ne mogu biti stariji od 3 mjeseca, računajući od momenta predaje ponude.

V

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke.

Obrazloženje

Na osnovu Odluke broj: 02-11-4-1862/20 od 11.05.2020. godine, Obavještenja o nabavci broj: 16475-1-1-48-3-42/20 od 12.05.2020. godine, proveden je otvoreni postupak javne nabavke štampanog materijala (listovni obrasci i kese za dokaze, perforisani blokovi, knjige u tvrdom povezu) za potrebe Uprave policije Ministarstva unutrašnjih poslova Kantona Sarajevo uz primjenu e-aukcije, s namjerom zaključivanja okvirnog sporazuma na period od 24 mjeseca.

Prema Zapisniku sa otvaranja ponuda, broj: 02-11-4-1862/20 od 02.06.2020. godine, za aktivno učešće u postupku dostavljene su ponude ponuđača: Štamparija Fojnica d.d. Fojnica, Comesgrafika d.o.o. Banja Luka, Plan Plus d.o.o. Zenica, Grafičar d.o.o. Bihać, Svjetlost-BH print d.o.o. Sarajevo i Birotehnik komerc d.o.o. Sarajevo.

Komisija za sukcesivne nabavke za potrebe Uprave policije (u daljem tekstu Komisija) izvršila je pregled i ocjenu dostavljenih ponuda, te sačinila Zapisnik o pregledu i ocjeni ponuda broj: 02-11-4-1862-4/20 od 29.06.2020. godine, kojim je utvrdila sljedeće:

- da ponuda ponuđača Štamparija Fojnica d.d. Fojnica ne sadrži garanciju za ozbiljnost ponude, u skladu sa tačkom 27. tenderske dokumentacije, te da spisak izvršenih ugovora nije u skladu sa tačkom 13. – Tehnička i profesionalna sposobnost u postupku nabavke robe (član 49. Zakona) tenderske dokumentacije.

- da ponuda ponuđača Comesgrafika d.o.o. Banja Luka ne sadrži garanciju za ozbiljnost ponude, u skladu sa tačkom 27. tenderske dokumentacije. Takođe, u potvrdi da račun, koji je označen kao glavni račun ponuđača, nije bio blokiran u posljednjih šest mjeseci, izdatu od strane Nove banke a.d. Banja Luka (a u skladu sa članom 47. Zakona, te tačkom 13. – ekonomsko-finansijska sposobnost, tenderske dokumentacije) nije naveden broj računa. Dostavljene potvrde o dobrom izvršenju ugovora nisu u skladu sa tenderskom dokumentacijom, tačkom 13. - Tehnička i profesionalna sposobnost u postupku nabavke robe (član 49. Zakona)

- da ponuda ponuđača Plan plus d.o.o. Zenica ne sadrži garanciju za ozbiljnost ponude, u skladu sa tačkom 27. tenderske dokumentacije. Izjava o ispunjenosti uslova iz člana 45. stav (1) tačkama od a) do d) Zakona o javnim nabavkama i Izjava ponuđača iz člana 52. Zakona o javnim nabavkama u skladu sa tačkama 12. i 13. tenderske dokumentacije, te u skladu sa Zakonom o javnim nabavkama, nisu ovjerene od strane nadležnog organa.

Takođe, priloženi aktuelni izvod u ponudi ponuđača Plan plus d.o.o. Zenica nije dostavljen u skladu sa tačkom 13. – Sposobnost obavljanja profesionalne djelatnosti (član 46. Zakona) u originalu ili ovjerenoj kopiji.

Ponuđač Plan plus d.o.o. Zenica je obje ponude dostavio u jednoj zajedničkoj koverti, a pri tome nije naznačio šta je original, a šta kopija ponude.

Takođe, priložena potvrda o dobrom izvršenju ugovora nije u skladu sa tačkom 13. - Tehnička i profesionalna sposobnost u postupku nabavke robe (član 49. Zakona) tenderske dokumentacije.

- da niti u jednom dokumentu koji je priložen u ponudi ponuđača Birotehnik komerc d.o.o. Sarajevo broj obavještenja o nabavci nije ispravno upisan. Takođe, na strani 5/33 njihove ponude, u Obrascu za cijenu ponude – Aneks III, u stavci 26. jedinična cijena bez PDV-a, kao i ukupna cijena bez PDV-a po toj stavci su ispravljane korektorom.

- da ponude ponuđača Grafičar d.o.o. Bihać i Svjetlost-BH print d.o.o. Sarajevo sadrže sve elemente tražene tenderskom dokumentacijom, odnosno da ispunjavaju sve formalno-pravne, ekonomske i tehničke uslove i shodno utvrđenom kriteriju “najniža cijena” ispunjavaju sve zahtjeve Ugovornog organa.

Nakon ovoga stekli su se uslovi za zakazivanje e-aukcije.

E-aukcija je zakazana za dan:

- 26.06.2020. godine sa početkom u: 14.00 sati.

Postupajući u skladu sa članom 3., te članom 4. stav 6. Pravilnika o uslovima i načinu korištenja e-aukcije („Službeni glasnik BiH“, broj 66/16) na e-aukciju su pozvani ponuđači čije su ponude

prihvatljive. Nakon završetka e-aukcije Ugovorni organ je dobio izvještaj Agencije za javne nabavke BiH o uspješno završenoj e-aukciji i najpovoljnijem ponuđaču nakon završetka e-aukcije. U toku e-aukcije došlo je do smanjivanja cijena i podnošenja novih ponuda.

U skladu sa Izvještajem Agencije za javne nabavke i konačnom rang listom ponuđača koji su učestvovali u e-aukciji, Ugovorni organ je prihvatio ponudu prvorangiranog ponuđača, i to:

- Svjetlost-BH print d.o.o. Sarajevo sa konačnom ukupnom cijenom ponude u iznosu od 124.363,00 KM bez PDV-a.

U postupku donošenja ove odluke posebno su cijenjene činjenice da je pravilno i potpuno utvrđeno činjenično stanje i ocjena prispjelih ponuda u skladu sa kriterijima iz tenderske dokumentacije.

Cijeneći naprijed navedeno, a u skladu sa članom 69. stav 1. tačka a) Zakona o javnim nabavkama („Službeni glasnik BiH“, broj: 39/14), Zapisnikom o pregledu i ocjeni ponuda i Izvještajem o toku i završetku e-aukcije riješeno je kao u dispozitivu.

Pouka o pravnom lijeku: Protiv ove odluke može se izjaviti žalba Uredu za razmatranje žalbi, putem ovog Ugovornog organa, u roku od 10 (deset) dana od dana prijema ove odluke, a u skladu sa članom 99. i 101. Zakona o javnim nabavkama BiH („Službeni glasnik BiH“ broj: 39/14).



Dostaviti:

1. Komisiji za sukcesivne nabavke
2. Ponuđačima x6
3. Odjeljenju za odnose s javnošću, radi objave na web stranici ovog organa
4. a/a